

## **Terms and Conditions**

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Und ich gieng auß in der nacht durch das tor des tals. vñ für den brunnē des tracken. vnd zu dem tor des kots. vñ ich mercket die maur iherusalē. das sie war verwüstet. vñ ire tor verzeret mit fewr. Vñ ich gieng zu dē tor des brunnen. vñ zu der brunlayt des wassers des künigs. vñ dem vih. auß dē ich sah. was mit stat. dz es vbergieng. Vñ stigauff durch den bach in d' nacht. vñ mercket dy maur. Vñ ich keretwider zu dem tor des tals. vnd kam wider. Aber die meyster-schefften wisten nit. wo ich w3 hingegange. od was ich tett. Vñ ich saget es auch nyemant. dē iuden. vñ den priestern vñ den besten vnd meyster-schafften vnd den andern. die da tetten das werck vntz zu der statt. Vñ ich sprach zu in. Ir habt erkant die zwangk sal. in d' wir sein. dz iherusalē ist wüßt. vñ ire tor sein verzeret mit fewr kumbt vñ wir pawen die maure iherusalē. vnd sein fürbas keyn verachtung. Vnd ich sagte in das die hand meins gotz. wer gut mit mir. vnd die wort des künigs. dy er het geredt zu mir. vñ ich sprach. Wir sülle auffstee vñ pawen. Vnd erwer hend sein gestercket in dē guttē. Vnd sanaballath d' hozoniter. vnd thobias der knecht amaniter. vñ gosem der arabiter hörte es. vñ sy verspottē vns. vñ verschmehtē vns. vñ sprachē. Was ist das ding. das ir thūt. Kreyget ir dem wider dē künig. Vñ ich widergab in ein red. vñ sprach zu in. Got des hymels erselb hilfft vns. vnd wir seyn sein knecht. wir sullen auffstee vñ pawen. Aber euch ist kein teyl. vñ gerechtigkeit vñ gedechtnuß in iherusalem.

**Das. III. Capitel. wie iherusalē widergepawet ward. vñ was yeglicher an der stat pawet.**

**U**nd Beliasib der groß priester stund auff. vñ sein brüder die priester. vñ pawten das tor der herde. Sy heyligte es. vñ setzte ledē. od schlachbrugken. vntz zu dē turn hundert elenboge. vñ sie heyligten sie vntz zu dē turn ananehel. Vnd bey in pawte dy man ihericho. vñ bey in pawet zachur der sun amri. aber dz tor d' vische pawte die sun asnaa. sie bedeckten es. vñ setzten sein schlachbrugken. vñ dy schloß. vñ die stangē oder rigeln. Vñ bey in pawte marimuth. d' sun vrie. des suns accus. Vnd bey in pawte mosollam. der sun barachie. der sun mesezebel. Vñ bey in pawte sa-

doch. der sun baana. Vñ bey in pawten thecueni. Aber ir besten vnderlegte mit ir helse. in dem werck ires herren gotz. Vñ das alt tor pawete ioiada. der sun fasea vñ mosollam. der sun besodia. sie bedeckte es. vñ stelte sein schlachbrugken. vñ die schloß vñ die rigel. Vñ bey in pawte melchias der gabaoniter. vñ iadan der meronathiter. die man von gabaon. vñ maspha für einē fürer d' do was in d' gegent ienhalb des flus. Vñ bey in pawet ezihel ein werckmeyster der sun azaraia. Vñ bey in pawet ananias. der sun eins wurtzlers. vñ lyessen iherusalē vntz zu dē tor der weytern gassen. Vnd bey in paweten raphaia. der sun ahur ein fürst der gassen iherusalem. Vñ bey in pawet iciada. d' sun aromath gegen seinem haws. Vñ bey in pawet accus. d' sun asebonie. Das mittel teyl der gassen pawet melchias. d' sun herem. asub. der sun phetmoab vñ den turn der tuncel. oder d' bachöfen. Vnd bey in pawet sellum. der sun aloes. ei fürst des mitteln teyls der gassen iherusalem er vñ sein sun. Vñ das tor des tals pawet annun. vnd die inwoner zanoē. sie pawten es vñ stelten sein ledē. oder sein schlachbrugken. vñ die schloß. vñ die rigeln. vñ tausent elenbogen an der mauren vntz zu dem tor des kots oder mißts. vñ dz tore des kots pawet melchias. d' sun rechab. d' fürst der gassen bethacharen. Erselb pawet es. vnd stellet sei ledē od schlachbrugken. vñ dy schloß. vñ dy rigel. Vñ dz tor des brunnes. pawet sellum. der sun cholosai. der fürst des dorffs maspha. Er pawet es vñ decket es. vñ stellet sein ledē. oder sein schlachbrugken. vñ die rigel. vñ dy mauren des weyers syloe in dem gartē des künigs. vñ vntz zu den stapffeln die da abgeen vō der statt dauid. Nach disen pawet neemias. d' sun asboch. ein fürst des halben teyls d' gassen bethsur. vntz zu dem grab dauid. vñ vntz zu dē weyer. der da ist gepawet mit dē grossen werck vñ vntz zu dem haws der starcken. Nach disen paweten die leuiten. reum. der sun benni. Nach disen paweten asebias d' fürst. des halbe teyls der gassen ceyle. in seiner strassen. Nach disen paweten ir brüder. Bechui. der sun enedad. ein fürst des halbe teyls ceile. Vñ bei disen pawet azer. d' sun iosue. der fürst maspha. dy andern maß gegen dē auffgang des vestigte winckels. Nach disen pawet an dē berg baruth. der sun zachai. die and' maß. von dē egk vntz zu dē tore des haws eliasib. des grossen priesters. Nach